

Waspada kumpulan taklid 'tok guru'

RH 7 NOV 1992

PERHIMPUNAN agung Umno hari ini diingatkan mengenai bahaya kumpulan politik Islam yang bertaklid kepada 'tok guru' yang kononnya lebih tahu mengenai cara mengatasi dosa.

Presiden Umno, Datuk Seri Dr Mahathir Mohamad, berkata golongan itu memihak dan setia kepada pemimpin dan kumpulan mereka secara membuta-tuli walaupun jelas tindakan mereka bertentangan dengan ajaran Islam.

Menurutnya, jika ada antara orang mereka yang menegur atau meninggalkan kumpulan mereka kerana sedar kesalahannya, orang itu akan dikecam hebat.

"Sebaliknya jika pemimpin melakukan sesuatu yang salah, mereka masih terus menerima pandangan pemimpin itu, walaupun mereka melihat

dengan mata sendiri pemimpin itu tidak patuh dengan ajarannya sendiri.

"Bagi mereka adalah penting untuk berpegang kuat kepada guru pemimpin mereka walau apapun kesalahan yang dilakukan. Inilah golongan assabiyah yang dibentuk oleh orang terkejut untuk menjayakan cita-cita sendiri," katanya ketika menyampaikan ucapan dasar perhimpunan agung Umno di sini, semalam.

Menurut Dr Mahathir, golongan agama itu juga mentafsir dan mencipta pelbagai ajaran dan hadis untuk menghalalkan perbuatan pemimpin dan kumpulan mereka.

Mereka mudah mengka-firkan orang Islam yang menentane mereka demi kepentingan pemimpin kumpulan itu di samping mencemar kemuliaan masjid untuk menyebarkan akyah mereka.

"Memang dalam Islam, politik tidak boleh disingkan daripada agama tetapi yang dimaksudkan ialah politik Islam dan bukan politik parti tertentu yang mengutamakan kumpulan dan matlamat pemimpin tertentu, iaitu politik assabiyah," katanya.

Beliau berkata, kumpulan itu menghadkan pengetahuan kepada tafsiran dan hukum agama yang dipilih khas oleh mereka sedangkan ilmu lain ditakrif sebagai sekular dan tidak harus dikejar.

Sehubungan itu, katanya, orang Islam bukan saja menjadi lemah tetapi juga keliru mengenai Islam dan menjadi jahil sehingga mudah dikuasai orang yang berkepentingan itu.

"Mereka langsung tidak mempedulikan kebahagiaan bagi umat Islam di

dunia walaupun mereka sendiri (pemimpin) mengejar kesejahteraan hidup dan kuasa di dunia," katanya.

Dr Mahathir berkata, kumpulan itu lebih rela melihat orang Islam mati kebuluran atau disembelih musuh daripada berusaha melengkapkan diri untuk membela umat Islam dan manusia keseluruhannya.

Katanya, mereka hanya berdoa kepada Tuhan untuk menyelamatkan orang Islam sedangkan mereka tahu Tuhan tidak akan mengubah nasib umatNya kecuali mereka berusaha mengubah keadaan.

Sehubungan itu, beliau menegaskan, kumpulan itu perlu dibebaskan daripada belenggu ajaran yang menekankan akhirat tanpa diimbangi dengan tekanan terhadap kebahagiaan di dunia.